

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 282746 23 St
Tuzla, 20.10.2023. godine

OPĆINSKI SUD U TUZLI, sudija Antonela Đaković razmatrajući prijedlog punomoćnika likvidatora za otvaranje stečajnog postupka nad imovinom dužnika "Termin-prom" d.o.o. za proizvodnju, promet i usluge Tuzla, Slavinovići-Luke F/C, van ročišta donio je dana 20.10.2023. godine sljedeće:

R J E Š E N J E

POZIVAJU SE predlagač, povjerioci i sva zainteresovana lica da u roku od 30 (trideset) dana od dana prijema prepisa rješenja, na žiro-račun Suda, broj: 132-100-03091233-91 NLB "Tuzlanska banka" Tuzla, predujme iznos od 3.000,00 KM (trihiljadekonvertibilnihmaraka), na ime troškova stečajnog postupka, te da dokaz o izvršenoj uplati dostave sudu pozivom na broj predmeta.

Ukoliko stečajni dužnik kao predlagač ili neko od zainteresovanih lica ne uplati navedeni iznos predujma u ostavljenom roku uz dostavu dokaza o uplati sudu pozivom na broj predmeta, sud će o prijedlogu za otvaranje stečajnog postupka odlučiti u skladu sa odredbama Zakona o stečaju.

O b r a z l o ž e n j e

Na ročištu za ispitivanja prijava potraživanja u likvidacionom predmetu broj Broj: 32 0 L 282746 23 L 2, punomoćnik likvidatora se izjasnio da ne osporava prijavljena potraživanja UIO BiH, RC Tuzla, ali da nema imovine iz koje bi namirio povjerioca, jer poslovni subjekt Termin-prom d.o.o. Tuzla ne obavlja djelatnost duži niz godina, zbog čega je predložio sudu da se obustavi likvidacioni postupak i pokrene stečajni postupak, a punomoćnik navedenog povjerioca je izjavio da ostaje kod podnesene prijave i da je suglasan da se obustavi likvidacioni postupak .

Uvidom u likvidacioni spis, sud je utvrdio da je dana 05.09.2016.godine podnesen prijedlog za pokretanje likvidacionog postupka nad pravnim licem "Termin-prom" d.o.o. Tuzla, da je rješenjem od 06.10.2016. godine otvoren postupak likvidacije nad istim pravnim licem, koji postupak je obustavljen dana 11.09.2023.godine. Razlog obustavljanja likvidacionog postupka je činjenica da likvidacioni dužnik nema novčanih sredstava i imovine iz koje bi unovčenjem mogao izmiriti likvidaciona potraživanja, a sve to obzirom da je nakon otvaranja likvidacionog postupka prijavu potraživanja podnijela Uprava za indirektno oporezivanje BiH, RC Tuzla u iznosu od 48.550,00 KM. Na ročištu održanom dana 11.09.2023.godine likvidator je priznao prijavljena potraživanja povjerilaca te istakao da nema sredstava za izmirenje, obzirom da likvidacioni dužnik nema imovinu iz koje bi namirio povjerioca.

Postupajući po zahtjevu likvidatora sud je utvrdio da je prijedlog za otvaranje stečajnog postupka dopušten i osnovan obzirom da je stečajni dužnik platežno nesposoban. Kako je

prijedlog za otvaranje stečajnog postupka podnio likvidator u likvidacionom postupku, to je predložio da sud direktno otvori stečajni postupak, u smislu odredbe člana 103. stav 1. Zakona o stečaju u FBiH.

Cijeneći da su ispunjeni uslovi za direktno otvaranje stečajnog postupka obzirom da je prijedlog podnio likvidator nakon provedenog likvidacionog postupka i dostavljenog izvještaja, te da je utvrđeno da stečajni dužnik nema imovine za podmirenje obaveza, sud je u smislu odredbe čl. 102 stav 7. Zakona o stečaju u FBiH pozvao dužnika, povjerioce i sva zainteresovana lica da izvrši uplatu troškova finansiranja stečajnog postupka u visini od 3.000,00 KM iz kojih sredstava će biti finansirani svi troškovi stečajnog postupka (nagrada i naknada stečajnom upravniku, objavljivanje rješenja u službenim novinama, poduzimanja radnji u slučaju unovčavanja imovine koja bi činila stečajnu masu obzirom da prema prijavi likvidatora društvo posjeduje određenu pokretnu imovinu, izrada pečata za društvo u stečaju, podnošenja finasijskih izvještaja nadležnim institucijama sve do postupka brisanja društva dužnika iz sudskog registra privrednih društava).

Predujam se uključuje u obavezu stečajne mase.

Ukoliko predlagač, povjerioci ili neko od zainteresovanih lica u ostavljenom roku ne izvrši uplatu predujma troškova za vođenje stečajnog postupka, sud će otvoriti stečajni postupak i odmah ga zaključiti u skladu sa odredbama člana 102.stav 8. Zakona o stečaju FBiH.

Odluka o dostavi rješenja i javnom oglašavanju putem oglasne ploče suda, WEB stranice Općinskog suda u Tuzli i javnog objavljivanja u Sl. Novina FBiH, zasniva se na odredbi člana 103. stav 8. Zakona o stečaju u FBiH.

STEČAJNI SUDIJA

Antonela Đaković

POUKA O PRAVNOM LIJEKU: Protiv ovog rješenja nije dozvoljena žalba.